



07.02.2019 йил

379-сон

Зомин шаҳарчаси

**Тумандаги юридик ва жисмоний шахсларга тегишли
автомототранспорт воситалари ва уларнинг тиркамаларини 2019 йилда
мажбурий техник кўриқдан ўтказиш тўғрисида**

Ўзбекистон Республикасининг “Йўл ҳаракати хавфсизлиги тўғрисида”ги Қонуни (Ўзбекистон Республикаси Қонун ҳужжатлар тўплами 2013 й., 16-сон 197-модда) 17-моддаси, Ўзбекистон Республикаси Вазирлар Маҳкамасининг 2003 йил 31 январдаги 54-сонли қарори билан тасдиқланган “Транспорт воситаларини мажбурий техник кўриқдан ўтказиш тартиби тўғрисида”ги низомига (Ўзбекистон Республикаси қонун ҳужжатлари тўплами, 2003 й., 1-2-сон, 17-модда; 2014 й., 10-сон, 105-модда, 37-сон, 473-модда) мувофиқ транспорт воситаларининг 2016 йилги техник кўригини ташкил қилиш мақсадида, Ўзбекистон Республикаси “Маҳаллий давлат ҳокимияти тўғрисида”ги Қонунининг 6-моддасига (Ўзбекистон Республикаси Олий Кенгашнинг Ахборатномаси, 1993 й., 9-сон, 320-модда, Ўзбекистон Республикаси қонун ҳужжатлари тўплами, 2004 й., 51-сон, 514-модда; 2014 й., 16-сон, 177-модда, 20-сон, 222-модда) асосан

ҚАРОР ҚИЛАМАН:

1. Туман ҳудудидаги барча юридик ва жисмоний шахсларга тегишли бўлган автотранспорт воситалари ва уларга тиркамалар мажбурий техник кўриқдан ўтказилсин.

2. Мажбурий техник кўриқдан ўтказиш бўйича туман комиссиясининг таркиби 1-иловага, техник кўриқдан ўтказиш жадвали 2-иловага мувофиқ тасдиқлансин.

3. Тумандаги барча транспорт воситалари эгалари бўлган юридик ва жисмоний шахсларга транспорт воситаларини техник паспорти билан биргаликда, ўз вақтида режа жадвал асосида кўриқдан ўтказиш мажбурияти юклатилсин.

4. Транспорт воситалари қуйидаги даврийликка мувофиқ техник кўриқдан ўтказилсин:

а) тижорат асосида йўловчилар ташиш учун фойдаланиладиган енгил

автомобиллар, автобуслар ва ўтириладиган жойлар сони 8 та ва ундан ортиқ бўлган (ҳайдовчининг ўрнидан ташқари), одамларни мунтазам ташиш учун жиҳозланган юк автомобиллари, йирик габаритли, оғир вазнли ва хавфли юкларни ташиш учун махсус транспорт воситалари ва уларга тиркамалар - бир йилда икки марта;

б) ишлаб чиқарилганлигига беш йилдан кўп бўлмаган (ишлаб чиқарилган йили ҳам шу жумлага киради) транспорт воситалари (мазкур банднинг “а” кичик бандида кўрсатилган транспорт воситаларидан ташқари) - икки йилда бир марта;

в) ишлаб чиқарилган йилини ҳисобга олган ҳолда ишлаб чиқарилганлигига беш йилдан ортиқ бўлган транспорт воситалари, шунингдек ишлаб чиқарилган вақти аниқланмаган транспорт воситалари (мазкур банднинг “а” кичик бандида кўрсатилган транспорт воситаларидан ташқари) - бир йилда бир марта;

г) тиркамалар кўрикка транспорт воситаси - шатакчи учун белгиланган муддатларда тақдим этилади.

5. Қарорнинг 4-банди “а” кичик бандида кўрсатилган транспорт воситаларнинг техник кўриги:

биринчи марта - 1 март - 30 июнда;

иккинчи марта - 1 сентябрь - 31 октябрда ўтказилади.

Юридик шахсларга қарашли бўлган транспорт воситаларининг техник кўриги 1 март - 30 июнда;

Жисмоний шахсларга қарашли бўлган транспорт воситаларининг техник кўриги 10 февралдан - 31 августга қадар ўтказилсин.

6. Транспорт воситаларини мажбурий техник кўриқдан ўтказиш туман комиссияси (Т.Жўраев)га:

транспорт воситаларининг техник ҳолати, улардан фойдаланиш нормалари ва қоидаларига риоя этилиши устидан самарали назоратни ташкил этиш;

транспорт воситаларининг техник ҳолати ва ускуналари йўл ҳаракати хавфсизлиги стандартлари, қоидалари, нормаларига мувофиқлигини баҳолаш вазифаси юклатилсин.

7. Белгилансинки, Ўзбекистон Республикаси Вазирлар Маҳкамасининг 2003 йил 31 январдаги 54-сон “Транспорт воситаларини мажбурий техник кўриқдан ўтказиш тартиби тўғрисидаги низомни тасдиқлаш ҳақида”ги қарори 3-бандига кўра, Ўзбекистон Республикаси Мудофаа вазирлиги, Ички ишлар вазирлигининг ички ва соқчилик қўшинлари, Миллий хавфсизлик хизматининг ҳарбий бўлинмалари транспорт воситалари кўрсатиб ўтилган

идоралар томонидан белгиланган тартибда мажбурий техник кўриқдан ўтказилиши инобатга олинсин.

8. Транспорт воситалари техник кўриқдан ўтказилганлиги учун Ўзбекистон Республикаси Вазирлар Маҳкамасининг 2003 йил 31 январдаги 54-сон қарори билан тасдиқланган “Транспорт воситаларини мажбурий техник кўриқдан ўтказиш тартиби тўғрисида”ги низомга мувофиқ йиғим ундирилсин.

9. Транспорт воситаларини мажбурий техник кўриқдан ўтказиш туман комиссияси (Т.Жўраев) мажбурий техник кўриқ якуни тўғрисида туман ҳокимлигига ахборот тақдим этсин.

10. Мазкур қарорнинг ижросини назорат қилиш туман ҳокимининг ўринбосари Т.Усмонқулов зиммасига, ижросини ташкил этиш туман ички ишлар бўлими бошлиғи Ф.Тўйчиев зиммасига юклатилсин.

11. Ушбу қарор расмий эълон қилинган кундан эътиборан кучга киради.

Туман ҳокими :

А.Абдуғаниев

Туман ҳокимининг
2019 йил “04” февралги
379 -сонли қарорига
1-илова

**Транспорт воситаларини мажбурий техник кўрикдан ўтказиш
бўйича туман комиссияси**

ТАРКИБИ

Т/р	Ф.И.Ш.	Иш жойи ва лавозими
1.	Т. Жўраев	туман ИИБ ЙХХБ бошлиғи, капитан, комиссия раиси
2.	Ш.Бегбўтаев	туман ИИБ ЙХХБ инспектори катта сержант комиссия котиби
3.	А. Тошматов	туман муҳофаа ишлари бўлими ходими
4.	Ш.Султанов	«Кузгу-Зиё-Транс» МЧЖ ходими
5.	В. Абдурахимов	«ЎзАгроСуғурта» туман бўлими раҳбари

**Зомин тумани ИИБ бошлиғи
подполковник:**

Ф.Й.Туйчиев

К Е Л И Ш И Л Д И:

Туман ҳокимининг

ўринбосари:

Т.Усмонқулов

Туман ҳокимлиги

Ҳуқуқшуноси в.в.б:

Й.Шамшиев

Туман ИИБ ЙХХБ бошлиғи

капитан

Т.Жўраев

ТАЙЁРЛАДИ

Туман ҳокимлиги қурилиш

бўлими бош мутахассиси:

С.Анваров